

ORDENANZA FISCAL Nº 13

ORDENANZA FISCAL REGULADORA DO IMPOSTO SOBRE ACTIVIDADES ECONÓMICAS.

Artigo 1º.- Natureza e feito imponible

1. O Imposto sobre Actividades Económicas é un tributo directo de carácter real, o tal feito imponible está constituído polo mero exercicio neste municipio de actividades empresariais, profesionais ou artísticas, que se exerzan ou non en local determinado e se encontren ou non especificadas nas tarifas do imposto.

2. Considéranse, aos efectos deste imposto, actividades empresariais: as gandeiras, cando teñan carácter independente, as mineiras, industriais, comerciais e de servizos. Non teñen, por conseguinte, tal consideración as actividades agrícolas, as gandeiras independentes, as forestais e as pesqueiras, non constituíndo feito imponible polo imposto ningunha delas.

Para os efectos do previsto no parágrafo anterior, terán a consideración de gandeiría independente, o conxunto de cabezas de gando que se encontre comprendido nalgún dos casos seguintes:

a) Que paza ou se alimente fundamentalmente en terras que non sexan explotadas agrícola ou forestalmente polo dono do gando.

b) O estabulado fóra das fincas rústicas.

c) O trashumante ou trasterminante.

d) Aquel que se alimente fundamentalmente con pensos non producidos na finca na que se críe.

3. Considérase que unha actividade se exerce con carácter empresarial, profesional ou artístico, cando supoña a ordenación por conta propia de medios de produción e de recursos humanos ou dun de ámbolos dous, coa finalidade de intervir na produción ou distribución de bens ou servizos.

4. O contido das actividades gravadas está definido nas tarifas do imposto, aprobadas por Reais decretos legislativos 1175/1990, do 28 de setembro (BOE do 29 setembro, 1 e 2 de outubro) e 1259/1991, do 2 de agosto (BOE do 6 de agosto).

5. O exercicio das actividades gravadas probarase por calquera medio admisible en dereito e, en particular, polos recollidos no artigo 3 do Código de Comercio.

Artigo 2º.- Supostos de non suxeición

Non constitúe feito imponible neste imposto o exercicio das seguintes actividades:

1. O alleamento de bens integrados no activo fixo das empresas que figuraran debidamente inventariados como tal inmovilizado con máis de dous anos de antelación á data de transmitirse, e a venda de bens de uso particular e privado do vendedor sempre que os utilizara durante igual período de tempo.

2. A venda de produtos que se reciben en pagamento de traballos persoais ou servizos profesionais.

3. A exposición de artigos co fin exclusivo de decoración ou adorno do establecemento. Polo contrario estará suxeita ao imposto a exposición de artigos para regalo aos clientes.

4. Cando se trate de venda por xunto a realización dun só acto ou operación illada.

Artigo 3º.- Exencións

1. Están exentos do imposto:

a) O Estado, as Comunidades Autónomas e as Entidades Locais, así como os seus respectivos organismos autónomos de carácter administrativo.

b) Os suxeitos pasivos aos que lles sexa de aplicación a exención en virtude de tratados ou de convenios internacionais.

c) As entidades xestoras da Seguridade Social e de Mutualidades e Montepíos constituídos conforme ao previsto na Lei 33/1984, do 2 de agosto.

d) Os organismos públicos de investigación e os establecementos de ensinanza en tódolos seus graos custeados integramente con fondos do Estado, das Comunidades Autónomas, ou das Entidades locais, ou por Fundacións declaradas benéficas de utilidade pública, aínda que por excepción vendan no mesmo establecemento os produtos dos talleres dedicados a dita ensinanza, sempre que o importe da dita venda, sen utilidade para ningún particular ou terceira persoa, se destine exclusivamente á adquisición de materias primas ou ao sostemento do establecemento.

e) As asociacións e fundacións de diminuídos físicos, psíquicos e sensoriais, sen ánimo de lucro, polas actividades de carácter pedagóxico, científico, asistencial e de emprego que para o ensino, educación, rehabilitación e tutela de minusválidos realicen, aínda que vendan os produtos dos talleres dedicados aos ditos fins, sempre que o importe da dita venda, sen utilidade para ningún particular ou terceira persoa, se destine exclusivamente á adquisición de materias primas ou ao sostemento do establecemento.

f) A Cruz Vermella española.

2. Os beneficios regulados nas letras d) e e) do apartado anterior terán carácter rogado e concederanse, cando proceda, a instancia de parte.

3. Quen á data de comezo de aplicación do Imposto sobre Actividades Económicas goce de calquera beneficio fiscal na Licenza Fiscal de Actividades Comerciais e Industriais ou na Licenza Fiscal de Actividades Profesionais e de Artistas continuarán gozando destes no

imposto citado en primeiro lugar ata a data da súa extinción, e se non tiveran termo de disfrute ata o 31 de decembro de 1994, inclusive, sen prexuízo das obrigas formais que a estes incumben.

Artigo 4º.- Suxeitos pasivos

Son suxeitos pasivos deste imposto as persoas físicas ou xurídicas e as entidades a que se refire o artigo 33 da Lei xeral tributaria sempre que realicen neste municipio calquera das actividades que orixinan o feito imponible.

Artigo 5º.- Cota tributaria

1. A cota tributaria será a resultante de aplicar as tarifas do imposto, de acordo cos preceptos contidos na Lei 39/1988, do 28 de decembro, reguladora das facendas locais, se nos Reais Decretos Lexislativos 1175/1990 do 28 de setembro e 1259/1991, do 2 de agosto, así como o coeficiente e os índices acordados por este Concello e regulados, respectivamente, nos artigos 6º e 7º desta ordenanza fiscal, e, no seu caso, o recargo provincial que estableza a Deputación da Coruña.

2. Se as sucesivas leis de orzamentos xerais do Estado modificaran as tarifas do imposto e/ou actualizaran as cotas contidas nela, as ditas variacións terán plena vixencia e surtirán efecto desde a súa entrada en vigor.

Artigo 6º.- Coeficiente de incremento

De conformidade co previsto no artigo 88 da Lei 39/1988, do 28 de decembro, o coeficiente de incremento a aplicar sobre as cotas mínimas das tarifas do Imposto sobre Actividades Económicas, para todas aquelas exercidas neste municipio, queda fixado no 1,5.

Artigo 7º.- Índice de situación

1. Para os efectos do previsto no artigo 89 da Lei 39/1988, do 28 de decembro, as vías públicas deste Concello clasifícanse en catro categorías fiscais. Anexo a esta ordenanza figura o índice das vías públicas con expresión da categoría fiscal que corresponde a cada unha delas.

2. As vías públicas que non aparezan sinaladas no índice antes citado serán consideradas de última categoría, permanecendo na dita clasificación ata o primeiro de xaneiro do ano seguinte a aquel en que se aprobe polo Pleno desta Corporación a categoría fiscal correspondente e a súa inclusión no índice de vías públicas.

3. Sobre as cotas incrementadas por aplicación do coeficiente sinalado no artigo 6º da presente ordenanza, e atendendo á categoría fiscal da vía pública onde radica fisicamente o local no que se realiza a actividade económica, establécese a seguinte táboa de índices:

--

CATEGORÍA FISCAL DAS VÍAS PÚBLICAS				
	1ª	2ª	3ª	4ª
Índice aplicable	1	0,7	0,6	0,5

4. A aquelas actividades que tributen por cota provincial ou nacional non lles serán aplicables nin o coeficiente nin o índice de situación regulados nesta ordenanza.

Artigo 8º.- Período impositivo e devengo

1. O período impositivo coincide co ano natural, excepto cando se trate de declaracións de alta. Neste caso abranguerá desde a data de comezo da actividade ata o fin do ano natural.

2. O imposto devengarase o primeiro día do período impositivo e as cotas serán irreducibles, salvo cando nos casos de declaración de alta, o día de comezo da actividade non coincida co ano natural. Neste suposto as cotas calcularanse proporcionalmente ao número de trimestres naturais que restan para rematar o ano, incluído o de comezo do exercicio da actividade.

3. Tratándose de espectáculos, cando as cotas estean establecidas por actuacións illadas, o devengo prodúcese pola realización de cada unha delas, debéndose presentar as correspondentes declaracións na forma que se estableza regulamentariamente.

Artigo 9º.- Normas de xestión do imposto

1. É competencia do Concello a xestión tributaria deste imposto, que comprende as funcións de concesión e denegación de exencións, realización das liquidacións conducentes á determinación das débedas tributarias, emisión dos instrumentos de cobro, resolución dos recursos que se lle interpoñan contra os ditos actos, e actuacións para a información e asistencia ao contribuínte.

2. As solicitudes para o recoñecemento de beneficios fiscais deben presentarse na administración municipal, debendo ir acompañadas da documentación acreditativa destas. O acordo polo que se acceda á petición solicitada fixará o exercicio desde o cal o beneficio se entende concedido.

3. Contra os actos de xestión tributaria, competencia do Concello, os interesados poden formular recurso de reposición, previo ao contencioso-administrativo, no prazo dun mes contado a partir da notificación expresa ou a exposición pública dos padróns correspondentes.

4. A interposición de recursos non paraliza a acción administrativa de cobro, agás que dentro do prazo previsto para interpoñer o recurso o interesado solicite a suspensión da execución do acto impugnado e acompañe garantía suficiente.

Non obstante, en casos excepcionais, a Alcaldía pode acordar a suspensión do procedemento, sen presentación de garantía, cando o recorrente xustifique a imposibilidade de presentala ou demostre fidedignamente a existencia de erros materiais na liquidación que se impugna.

O período de cobro para valores-recibo notificados colectivamente fíxase entre o día 1 de setembro e o día 20 de novembro.

As liquidacións de ingreso satisfaranse en períodos fixados polo Regulamento xeral de recadación, que son:

a) Para as notificacións efectuadas na primeira quincena do mes, ata o día 5 do mes natural seguinte.

b) Para as notificacións efectuadas na segunda quincena do mes, ata o día 20 do mes natural seguinte.

Transcorrido o período voluntario de cobro sen efectuarse o ingreso abrirase a vía de constrinximento e aplicarase un recargo do 20 por cento.

As cantidades adebedadas devengarán interese de demora desde o día seguinte ao vencemento da débeda en período voluntario ata a data do seu ingreso, aplicándose o dito interese sobre a débeda tributaria excluído o recargo de vía de constrinximento.

O tipo de interese será o vixente no momento de finalizar o prazo de ingreso en período voluntario, fixado conforme ao disposto no artigo 58.2.b) da Lei xeral tributaria.

Artigo 10º.- Comprobación e investigación

Nos termos que se dispoñan polo Ministerio de Economía e Facenda, o Concello recabará para sí as funcións de inspección do Imposto sobre Actividades Económicas, que comprenderán a comprobación e investigación, a práctica das liquidacións tributarias que no seu caso procedan e a notificación da inclusión, exclusión ou alteración dos datos contidos nos censos, todo iso referido, exclusivamente, aos supostos de tributación por cota municipal.

Artigo 11º.- Delegación de facultades

Se o Concello delegara na Deputación Provincial da Coruña as facultades referidas nos artigos 9 e 10 desta ordenanza ou exclusivamente as dun deles, e esta delegación é aceptada, as normas contidas nos ditos artigos serán aplicables ás actuacións que deba efectuar a administración delegada.

Artigo 12º. Vixencia e data de aprobación

Esta ordenanza, aprobada polo Pleno na sesión ordinaria do día vinteseis de decembro de mil novecentos noventa e un, comezará a rexer o día 1 de xaneiro de 1992.

O ALCALDE.